


АВГУСТЪ

1928

Число 8.

Рочн. VIII.



ЗМЪСТЪ:

Роздоръ меже схизма-
тиками.
Мѣсячное намѣреніе на
мѣсяць Августъ
Изъ исторіи Церкви.
Изъ жита святихъ.
Бесѣда.
Мати Маріе...
Въ оборонѣ Вѣры.
Мукачевскій монастырь.
Новости.

СВ. СВЯТЫМЪ РОСАФАТЪ ЧОВЕ

КНИГОПЕЧАТІЯ И ВЪДАВНИЦТВО ЧИНА СВ. ВАСИЛІЯ В. ВЪ УЖГОРОДЪ

РЕДАКЦІЯ И АДМИНІСТРАЦІЯ ВЪ УЖГОРОДЪ, УЛИЦЯ РАКОВЦІЯ Ч. 54.

Выдавництво Чина св. Василя Великого въ Ужгородѣ

поручае слѣдуючѣ книжки своего изданія:

Молитвенникъ для греко-каѳолицкого руського народа.

Составилъ о. Пегро Котовичъ ЧСВВ. стор. 507. Изд. II

Содержаніе сеѣ книжки: Короткій катсхизмъ; Молитвы повседневніи; Молитвы утренніи, Молитвы вечерніи, Молитвы подчасъ Службы Божоѣ, Приготовление до св. Сповѣди, Молитвы передъ и по Сповѣди, Молитвы передъ и по св. Причастію, Молитвы до пресв. Сердца Исусоваго, Молитвы до Пречистоѣ Дѣвы Маріѣ, Молитвы до святыхъ. Чинъ Утрени, Божественная Литургія, Чинъ Вечерни. Акафистъ до І. Христа, Акафистъ до Преч. Дѣвы Маріѣ, Тропари воскресніи и повседневніи, Служба на всякое прошеніе, о усопшихъ, Тропари и Кондаки св. Четырдесятницы, Пятдесятницы и всѣхъ праздниковъ декретальныхъ. Кромѣ сего е: Пѣснь на Рождество Христове, Пѣснь въ честь св. Троицѣ, Пѣснь въ честь Преч. Дѣвы и св. отца Николая, Пѣснь благодарственная, Календврѣ цѣлого року и Пасхалія.

Въ красномъ полотняномъ переплету 8 Кч, съ почт. засылкою 8 80 Кч.

Да святится Имя Твое. Молитвословъ для молодежи. Стор. 223.

Печатаній окремишню руськими а окремишню латин. буквами.

Содержаніе: Короткій катехизмъ. Молитвы повседневніи, утренніи, вечерніи, подчасъ Службы Божоѣ, передъ и по сповѣди, передъ и по св. Причастію, до Пресв. Сердца Исуса. до Преч. Дѣвы Маріи и до св. Іосифа; Чинъ Вечерни, Утрени, Божественна Литургія, Тропари и Кондаки воскресни, на всякое прошеніе и о усопшихъ; Пѣснь на Рождество Христове, въ честь Пресв. Троицѣ, къ Пресв. Дѣвѣ Маріи и въ честь св. Отца Николая.

Оправлений коштуе 4 Кч, въ почтовою засылкою 4 60 Кч.

Молебень къ Святѣйшому Сердцу Исуса и къ Пр. Дѣвѣ Маріи.

Содержитъ кромѣ двохъ молебновъ, дасколько пѣсней къ Пресв. Сердцу Исуса и Преч. Дѣвѣ Маріи и Пѣснь благальну (супликацію). Печатана окремо руськими, а окремо латинскими буквами. Стор. 44. Стоитъ 80 гел., зъ почтою 1 Кч.

Найсвятѣйшее Сердце Спасителя. Коротка наука для членовъ общества Святѣйшаго Сердца Г. Исуса Христа. Сторонь 64.

Содержаніе: Исторія набожности до Пресв. Сердца Исуса и ласки, которыя Исусъ приобѣщавъ почитателямъ Пресв. Сердца. Повинности для членовъ сего общества. Дасколько молитовъ къ Пресв. Сердцу Исуса. Молебень къ Пресв. Сердцу Исуса. Пѣсня благальна (супликація). Золота корунка къ П. С. Исуса. Дасколько пѣсней къ П. С. Исуса. Прочто почитаеме П. Сердце Исуса? Печатана окремо руською, а окремо латинською азбукою.

Стоитъ 1 50 Кч, съ почтовою засылкою 1 70 Кч.

Популярнѣ катехитичнѣ проповѣди для католицкого народу.

Часть I. Про вѣру. Часть II. Про надію и любовь. Каждая часть творить окрему книжку. Темы проповѣдей дуже актуальнѣ.

Цѣна по 20 Кч за одинъ прим., зъ почтою по 21 80 Кч.

Стойте въ вѣрѣ. Листъ I. Про походженя св. Духа отъ Отца и Сына, стор. 7. Листъ II. Оборона чести П. Дѣвы Маріи, стор. 7.

Цѣна обохъ брошуръ разомъ 60 гел., зъ почт. засылкою 80 гел.

„Путь Спасенія“ (Св. Миссія въ образахъ). Ся прекрасна книга повинна быти въ каждой хижѣ. Въ ней суть науки о майважнѣйшихъ рѣчахъ для спасенія души. Прикрашена около 40 образами. Стоитъ лемъ 4 Кч., зъ почтою 4 80 Кч.

БЛАГОВѢСТНИКЪ

ДУХОВНА ГАЗЕТА ДЛЯ ПОДКАРПАТ. РУСИНОВЪ

Редакція, администрація, експед.:
Видавництво Чина св. Василя В.
в Ужгороді, Раковця ул. ч. 54.

Августъ
1928

Предплата на цѣлый рокъ 10 Кч.;
за границею 17 Кч.; до Америки
поль дол. — Одно число 1 Кч.

Число
8.

Выходитъ 1-го каждого мѣсяця
Отвѣчат. редакторъ: о. Емилианъ Бокшай

Рочникъ
VIII.

Роздоръ меже схизматиками.

ИЗЪ больше мѣсть заслали намъ газету, выданну самими схизматиками: „Помощь Отъ Господа“. Сію газету выдають въ Празѣ и е органомъ тоѣ части схизматиковъ, котрѣ придержуються до епископа Савватія. Писана она по російски (зато народъ тяжко, або взагалѣ не розумѣе) и дае вѣрный образъ нашего домашнього, „православія“ Сообщаеме дасколько речень изъ газеточки, чтобы и нашъ народъ видѣвъ, до чого доведе схизма; и чтобы одобрать ихъ дяку одѣ такого смутного кроку. Може вытверезяться и такѣ, котрѣ упали уже у бѣду и слушаючи своей совѣсти вернуться назадъ до Христоваѣ Церкви. Ось послушайте!

Газета головно выступае противъ батюшковъ.

„Сельское духовенство деморализовано, народъ же нарѣкае и поддается вилыву большевицкихъ агентовъ. Большинство теперѣшныхъ подкарпатскихъ священниковъ (батюшковъ!) не только не може воспитати народъ, но деморализуе его (попсуе его.) Сесѣ въ 75 0/0-ахъ не духовнѣ пастырѣ, но только требоисполнителѣ, наемники худшого сорта. Найгоршій и наибольше шкѣдливый элементъ составляютъ голошно монахи. Изъ причины недостатка свѣтского духовенства монахи (черцѣ) покинуи монастырѣи розлазилися по селамъ. Малокультурнѣ, жаднѣ легкого выживаня, занесуть меже народъ всякѣ забобоны и сѣють темноту, чтобы мати возможность легше выужити народну массу! О такихъ говоритъ Апостоль Петръ (2. Петр. 2, 14. 22.): „Сердце ихъ приучено къ любостыжанію... имѣ приготовленъ мракъ вѣчной тьмы. Ибо произносеи надутое пустословіе, они уловляють тѣхъ, котры едва отстали отъ находящихся въ заблужденіи. Но съ ними случаетъ по вѣрной пословицѣ: песь возвращается на свою блевотину и вымытая снѣгомъ идетъ валятися въ грязи.“

Лыгнѣ, жаднѣ „легкого хлѣба“, хотя дали обѣтъ послушенства,

не желаютъ повиноватися властямъ и только вносятъ въ народъ розпря и роздоры.

Выйшовши (народившись) изъ народа и знаючи всѣ его слабѣ стороны, они дуже легко знаютъ користатися ними для своихъ, личныхъ цѣлей а играючи не рѣдко на самыхъ низкихъ инстинктахъ народа, а тымъ самымъ деморализуютъ народъ... Нечесанѣ довгѣ волоса розтрепанѣ бороды, запаскудженѣ безобразного покроя рясы (реверенды), фарисейское благочестіе — все, что дали они народови мѣсто правдивого православія. Народъ жажде просвѣщенія, порядка и полекшеній. А что достаетъ? Мѣсто порядка — страшный беспорядокъ, мѣсто полекшенія — новѣ тяжести, а о просвѣщенію лѣпше и не споминати. Нерѣдко случается, что проста сѣльска баба даколи понимаетъ въ писанію больше, чимъ който изъ подкарпатскихъ отцовъ.“

Сякъ похвально пише схизматицка газета про самыхъ схизматиковъ и головно батюшковъ. А се больше стоитъ, больше вѣродостойности мае, як коли бы се написали противники. Правда что батюшки, чтобы люде не прочунили ся и не пробовали освободити ся одъ ярма батюшковъ то будутъ сказати, что се выдумали „уніятскѣ“ попы, но мы взимаеме каждого, кто бы сумнѣвался въ правдивости нашоѣ статѣ, най не лѣнуеся написати до редакціѣ „Помощь отъ Гда“ (Praha Zizkov Olšanské pam. 5). и просити 1-го число высшезгаданоѣ газеты. Тамъ може еще иншѣ дѣла вычитати на батюшки.

Паки и паки повторяеме, что для зведеныхъ, обманеныхъ одступниковъ не е иншого выходу, якъ забыти все то, что было, залишити компанію батюшковъ и вернутися назадъ въ лоно хр. католическоѣ Церкви.

Мѣсячное намѣреніе на мѣсяць Августъ

.. чтобы люде любили свою отчину на основѣ науки Иисуса Христа.

Любити свою отчину, свой родной край, то е Божа воля и Божій приказъ. Богъ хотѣвъ, чтобы люде не въ самотѣ жили, але въ товариствѣ. Зато люде изъ Божоѣ волѣ складаютьтя въ фамиліи, въ краины, въ державы. Для удержаня державы служатъ законы, что каждый чоловѣкъ мае честовати, бо они суть для блага всѣхъ людей, для блага суспольности.

Сей природный законъ подтвердивъ и Божественный Спаситель. Онъ самъ прослезився, коли подумавъ на спустошеня Іерусалима, бо любивъ сей городъ, якъ столицю своеѣ отчины. На вопросъ же фарисеевъ выразно сказавъ, что: Отдайте кесареви, что е кесарево, а Богови, что е Божое.

И сей отвѣтъ подае намъ правило, як треба любити отчину. Першѣ суть Божѣ законы, а потомъ слѣдуютъ людскѣ, державнѣ. Коли настане столкновеня закона Божого и державного, то треба стати на основу Петровыхъ словъ: Скорше треба Богови повиноватися, чимъ людямъ.

Свой родный край треба любити не словами и горломъ, але дѣлами. Головно наша краина потребуе пильну, напружену працю своихъ горожанъ. Нашѣ сусѣднѣ народы поднялися на високу степень культуры головно працею. Будьме и мы въ всѣхъ нашихъ повинностяхъ точнѣ и свѣдомѣ, и працюйме въ нашихъ товариствахъ національныхъ (читальня, нар. партія, кооперативы и пр.) охотно и черезъ се подоймеме загальный добробытъ нашоѣ краины.

Се е правдива любовь отечества! Першій разъ Богъ и изъ послушенства къ Богу отчина и народъ.

А котрѣ не можуть еще працювати для блага отчины, або хочуть, чтобы ихъ праця была заосмотрена и Божимъ благословеніемъ, то най молятся черезъ цѣлый мѣсяць:

... чтобы люде любили свою отчину на основѣ святоѣ науки Иисуса Христа.

ИЗЪ ИСТОРИИ ЦЕРКВИ

Исторія церковного соединенія Русиновъ.

4. Заключение уніѣ въ Римѣ и въ Берестѣ (1595-96).

Въ Римѣ заключеня уніѣ пошло гладко и скоро. На апостольскомъ престолѣ сидѣвъ въ то время Климентъ VIII., кто переже ап. нунціемъ бывъ въ Польщи. Онъ принявъ Терлецького и Потія торжественно, котрѣ прочитали передъ нимъ грамоту соединенія (по руськи и по латински), зложили передъ папою вѣроисповѣданіе и папа выголосивъ до нихъ промову. Симъ довершилося церк. соединеніе всего руського народа зъ апостольскимъ престоломъ и то на основѣ флорентійского собора. Русины признали главенство папы, мякъ наследника св. Петра, але задержали свой руській обрядъ въ богослуженіяхъ. Было се 23-го декабря 1595. Папа римскій на паять сѣ радостноѣ подѣвъ издавъ буллу: „Magnus Dominus...“ (Велій еси Господи) и давъ выбыти срѣберну монету зъ надписомъ: „Rutheniae reserata 1596“. Папа просивъ метрополита скликати соборъ, на котромъ и прочѣ епископы и священники мали зложити вѣроисповѣданіе. Одновременно заславъ папа письмо до короля Жигмонда просячи его, чтобы удѣливъ гр. каѣ. духовенству тѣ самѣ права, что мають римо-католики и чтобы и руськѣ епископы достали право засѣдати въ польскомъ сенатѣ.

Доки послы въ Римѣ были, обставины и выгяды для уніѣ значно погоршилися. Князь Острожскій, богатый вельможа руській

ставъ на чолѣ противниковъ уніѣ и розпочавъ завзяту боротьбу противъ соединенія зъ апостольскимъ престоломъ.

Вас. Контс. Острожскій свѣдомо и щиро працювавъ для поднесенія культури руського народа. Изъ себѣ цѣли закладавъ школы и печатню, чтобы ширити просвѣту и образованіе меже русинами. Видѣвши великѣ неприятели въ руськой Церкви розпочавъ переговори зъ епископами про заведеня уніѣ. Но онъ якъ свѣтскій чоловікъ мавъ особистый планъ для здійсненія уніѣ и то хотѣвъ соединити всѣ три християнскѣ вѣры католическу, гр. восточну и протестантску (кальвинску) чтобы кожда дачто попустила изъ свого.

На се не могли пристати руськѣ епископы и перервавши дальшѣ переговори зъ Острожскимъ самѣ рѣшили продовжати справу уніѣ зъ ап. престоломъ. Острожскій черезъ се чувъ себе дуже обидженимъ и зачавъ всѣми силами боротися противъ уніѣ. Насампередъ видавъ Острожскій одозву до духовенства и народа, въ котрой перестерѣгае кожного русина прияти унію, а руськихъ епископовъ называе юдами, зрадниками и вовками. Сей окликъ могучого князя сильно потрясъ руськое духовенство и народъ, поколебався и самъ митрополитъ Рагоза, а два епископы: львовскій, Гедеон Балабанъ и премишльскій Мих. Копестинскій рѣшучо одреклися уніѣ.

Острожскій знавъ ослабляти и ревность короля Жигмода что до заведеня уніѣ. Онъ енергично пожадавъ зложити гр. кат. епископовъ и мѣсто нихъ поставити схизматиковъ. Такожъ и гдекотрѣ латинскѣ епископы не радо дивилися на то, что руськѣ епископы такожъ будутъ мати слово въ сенатѣ и впливъ въ управѣ державы.

Меже такими неприхильными обставинами скликавъ 6-го окт. 1596. М. Рагоза соборъ церковный до Берестя. Изъ стороны гр. католиковъ появились: митрополитъ Рагоза и епископы: володимирскій, луцкій, полоцкій, холмскій и пинскій, потомъ многѣ изъ архимандритовъ и изъ низшого духовенства. Изъ противниковъ уніѣ же появился князь Острожскій, сп. львовскій и перемишльскій и высланникъ константинопольского патріарха, грекъ Никифоръ и иншѣ изъ низшого духовенства. И такъ соборъ уже одъ початку роздѣлился на двѣ части. Греко-католики въ Церкви, а схизматики въ одномъ приватномъ домѣ. Высланники короля старалися злучити два таборы до вьедна, але даремно.

Дня 8-го октября отворивъ Рагоза соборъ зъ торжественнымъ богослуженіемъ. По службѣ Божой прочитали грамоту соединенія, зложили исповѣданіе вѣры и Петро Скарга, іезуитъ выголосивъ проповѣдь про „едность Церкви подъ однимъ пастыремъ“. Никифоръ и его союзники на своемъ соборѣ викляли всѣхъ гр. католиковъ; на что митрополитъ Рагоза, чтобы народъ и духовенство не зостали въ сумнѣннѣ, на чіей сторонѣ стоить правда, такожъ наложивъ на схизматиковъ церковну клятву.

Симъ хотя не всѣ, але переважна часть Русиновъ вступила въ



Мати Маріе...

*Мати Маріе, зь плачемъ слезами
До тебе пѣснь всть дѣти идуть
Въ широй любви, вгрь зь моль-
[бами
Благальнѣ пѣснь тобѣ несуть.*

*Мати Маріе, ты видишь боль
И боль и горя твоихъ сыновъ
Всю важку днину журбы,
[недолѣ
Най не пропаде благальный спѣвъ.*

*Маріе Дѣво у твоей власти
Наше спасеня, житя и рай
Сиротамъ дѣтямъ не дай пропасти
Въ 'твоемъ Успеню насъ не лишай.*

*Мати Маріе, надъ руськимъ
[краемъ
Зависла хмара ворожихъ силъ
Помози руськимъ сынамъ благаемъ
Розбити вражю силу у пиль*

*Дай побѣдити ворога злою,
Ратуй насъ Мати въ сей часъ тяж-
[кій,
Встався ласкаво у сына свого
За дѣтей руськихъ, за встьхъ лю-
[дей.*

*Маріе Дѣво у твоей власти
Наше спасеня, житя и рай
Сиротамъ дѣтямъ не дай пропасти
Въ 'твоемъ Успеню насъ не лишай.*



лоно Христової Церкви. Кіевскій Метрополитъ Рагоза, всѣ епископы (окремъ двохъ) и $\frac{2}{3}$ -а часть народа приняли соединеніе, унію. Въ схизмѣ zostали лише два епископы (поздѣйше и они пристали) зъ своими вѣрниками на чолѣ зъ обидженнымъ магнатомъ Острожскимъ.

Князь Острожскій до конца своего жита боровся противъ уніѣ. Але доля горько висмѣяла его. Еще за его жита всѣ его дѣти перейшли на унію и старій борець залишений отъ своеѣ фамиліѣ оден- одинокій пошовъ въ гробъ въ роздорѣ зъ руськими епископами и вселенскою Церковію.



ИЗЪ ЖИТЯ СВЯТЫХЪ



Заступникъ на мѣсяць августъ:

Св. мученикъ и архидіаконъ Лаврентій.

(10-го августа)

Черезъ св. Лаврентія стався Римъ славный, якъ Іерусалимъ черезъ св. первомученика Стефана. И справдѣ давъ онъ свѣдоцтво св. вѣры такъ свѣтлое, что по вѣкахъ до конца свѣта память его буде велика и славна. Было се середъ найстрашнѣйшихъ часовъ для св. Церкви; неуставало лютое гоненя, рѣкою плила христіянска кровь. Не было мѣста для вѣрныхъ середъ гордого Рима, зато сесѣ вѣрнѣ въ подземныхъ печерахъ сходилися на молитву, тутъ хоронили замученыхъ за св. вѣру братовъ своихъ, туй укрѣплялися до страданъ и мукъ, якѣ на нихъ ждали и зводси ишли смѣло на судъ нечестивыхъ, явно голосивши славу Христа Спасителя, давали душу свою за Него и послѣднимъ тхомъ жита прославляли имя Его. И каждого дня поздною ночью далеко за мѣстомъ середъ виноградниковъ видно было тѣни людей, котрѣ счезали гдесъ, якбы подъ землю пропадали. Они вступали въ катакомбы, туй несли тѣла убитыхъ, туй хоронили ихъ середъ псалмовъ похвальныхъ, туй слухали Службы Божоѣ и науки, раздавали милостыню або принимали еѣ. Въ удобной одежи трудно было упознати людей высокаго становища одъ поденныхъ работниковъ а однакъ были туй найбільшѣ достойники державы, ибо мимо переслѣдованъ, мимо мукъ число вѣрныхъ росло.

Ось въ тихъ часахъ наибольшоѣ борьбы зъ жестокимъ поганствомъ живѣ св. Лаврентій и пострадавъ за св. вѣру. Онъ родився въ Римѣ изъ ишпанскоѣ родины. Бывъ онъ, якъ каже св. Петро Хризологъ удобной въ земскѣ а богатый въ духовнѣ добра. Честоты его а именно ангельска невинность и чистота звернули на него увагу папы св. Сикста, кто бывъ наслѣдникомъ замученого св. Стефана папы. Св. Сикстъ не зважаючи на молодость св. Лаврентія повѣривъ св. Лаврентіеву великій обовязокъ, ибо посвятивъ его на архидіакона римскоѣ Церкви. Одъ апостольскихъ еще часовъ вы-

брала тота Церковь сѣмь діяконовъ. Еднимъ изъ першихъ обовязковъ діякона было хоронити св. церковнѣ сосуды и дбати за худобныхъ, слабыхъ, вдовъ и сыротъ и роздѣляти меже нихъ то, что вѣрнѣ щедрою рукою складали на тоту цѣль.

Святой Лаврентій засіявъ якъ ясна зоря всякихъ чеснотъ и стався достойнымъ мученического подвига.

Въ роцѣ 258-омъ приказавъ цѣсаръ Валеріанъ безпощадно мучити христіанъ а именно епископовъ, священниковъ и діяконовъ, и такъ бывъ певный, что если не стане пастырей, то стадо розбѣгнися. Коли каты поймали св. Стефана и двоухъ діяконовъ: Феликсіма и Агапита и самого св. папу Сикста и провадили ихъ до Мамертинскоѣ вязницѣ, то св. Лаврентій побѣгъ за ними и голосно плачучи, як то оповѣдае св. Амврозій, говоривъ до св. Сикста: „Де идешъ отче безъ твоего сына? Де идешъ священнику безъ твоего діякона? Длячого мене покидаешъ?“

Св. Сикстъ сказавъ ему, что згодно зъ волею Божою мае св. Лаврентій ажъ за три дни приняти мученичій вѣнецъ и приказавъ ему, чтобы роздавъ цѣлый церковный маетокъ и всѣ сосуды меже худобными, бо по ихъ смерти можуть попастися въ руки поганъ. Св. діяконъ сповнивъ волю св. папы, роздавъ цѣлый маетокъ церковный меже худобными а потомъ бывъ свѣдкомъ, якъ св. Сикста и двоухъ діяконовъ усѣкли мечемъ. Тогды то сторожа поймала св. Лаврентія и поставила его передъ старостою; сей хотѣвъ конче до вѣдатися, де суть скарбы церковнѣ; онъ бывъ певный, что св. архидіаконъ переховуе великѣ маетки. „Вы христіане жалуетеся, говоривъ мучитель, что мы обходимеся зъ вами дуже жестоко; я домагаюся лемъ одного: скажи менѣ де суть вашѣ маетки, де золото и срѣбло? Христіане дають послѣднее, обкрадають своихъ властныхъ дѣтей и вте складають въ твои руки. Тыхъ скарбовъ потреба цѣсареву на удержаня войска, тожъ скажи, де они суть?“

На то одповѣвъ св. Лаврентій такъ: „я не перечу, что Церковь мае великѣ маетки а если даешъ менѣ на то часъ, то я тобѣ покажу всѣ тотѣ богатства“.

Староста згодився на се. А коли минувъ означеный часъ, то св. Лаврентій зобравъ всѣхъ слабыхъ, калѣкъ, опущенныхъ и до повдруга тысяча людей привювъ передъ старосту и сказавъ до него: „Поасраи, се передъ тобою всѣ маетки церковнѣ.“ Коли староста пошавъ въ гнѣвъ, святой сказавъ: „Чого гнѣваешся? Золото и срѣбло, котрого ты желаешъ, е безвартною рѣчею, котроѣ послѣдани доводитъ до всякого злочину. А тѣ бѣдаки то одинокій маетокъ св. Церкви. И теперь зачалися страшнѣ муки. Каты волонными жилами краили тѣло Святого. На конецъ принесли желѣзну решѣтку, розпалили подъ нею огонь и живцемъ стали печи св. мученика. Среди того св. Лаврентій молився голосно до Бога и просивъ его, чтобы утвердивъ въ св. вѣрѣ. Молитва его была пламенна, что середъ неѣ по чують огня, якій паливъ его тѣло. Лице его сѣяло незвычайною красою, а воня его печеного тѣла была для вѣрныхъ дуже мила а неперносима для поганъ.

Середъ найтяжшоѣ муки сказавъ святыи до мучителя: „Вже одна сторона тѣла упечена, бери и ѣджь“. А коли обернули его на другій бокъ, то св. мученикъ умеръ. При его смерти много людей навернулося. Въ ночи похоронено тѣло его при дорозѣ, что вела до Тиволи. Сталося то 258 года дня 10 августа. Богъ прославивъ мощи св. мученика безчислениыми чудами. Надъ гробомъ его воздвигнувъ Константинъ Великий прекрасну церковь, котра многократно одбудована стоить до нынѣ и называеся: „церковь св. Лаврентія за мурами“. Подъ престоломъ тоѣ церкви почивають св. мощи, въ едно зъ частиною мощей св. Первомуч. Стефана.



БЕСѢДА



Осуженый на смерть.

Заперлися желѣзнѣ дверѣ темницѣ за Петромъ; заперлися, чтобы зновъ лише тогды отворилися, коли понесуть его на смерть. Убивъ свого властного отця и бывъ осуженый на шибеницю.

Петро знавъ, что туй нѣкого ратунку не е. Темнѣ стѣны вязницѣ, оковы, душный воздухъ темницѣ дусили его горло а сердце тиснулося одъ тоѣ думки, что завтра у сякій часъ на шибеницѣ буде висѣти. Въ своемъ великомъ огорченію не хотѣвъ никого видѣти, не принимавъ жадноѣ стравы, не говоривъ ни зъ кимъ навѣтъ на молитву не отворивъ своѣ уста. А про сповѣдь и чути не хотѣвъ; не дали ему прощенія на земли, не хотѣвъ того достати и на небѣ.

На дверяхъ клопкають. Вступивъ жона и 10 лѣтний сынокъ. Петро ледвы что погляне на нихъ. Але жона выбухне голоснымъ плачемъ.

— Осудили тя, повѣсять, умрешъ на шибеницѣ?! О Боже! И симъ зомлѣла и упала на землю сильно ударивши голову свою у желѣзну постель. А хлопецъ видѣвши великий жаль матери заридавъ голосно и припаде до матери. Сильный ударъ у желѣзо потрясъ жону изъ зомлѣнія и зновъ звертаеся до своего мужа:

— Петре, думай на душу свою. Высповѣдайся передъ смертію, спаси свою душу.

Но сего не могъ уже стерпѣти Петро. Сердито гойкне на жону:

— На что ся сповѣдати? Ци то менѣ поможе? Высповѣдався я передъ судіями, а они осудили мене на смерть. Я имъ все, щиро розказавъ, а они мѣсто прощеня дали менѣ — шибеницю. Я больше людемъ сповѣдатися не буду; завтра уже на другомъ свѣтѣ буду и высповѣдаюся самому Богу.

Сѣ твердѣ слова прикро уразили Петрову жону и поринули буйнѣ слезы изъ очей еѣ; горько плакавъ и хлопецъ.

Осуженый поглянувъ на нихъ и очѣ спинилися на сынѣ своемъ:

— А ты чого плачешъ? Кто тя кивавъ?

— Плачу зато, про что мамка; плачеме что вы достанетеся въ пекло, бо не хочете высповѣдаться.

— Кто се тобѣ сказавъ? Закричавъ на него отець.

— Мамка сказали: але и въ школѣ учили'смеся: панъ отець духовный такъ учили насъ въ школѣ.

— О тѣ попы, попы! Мормоче Петро меже зубами.

— Але отець духовный научали насъ и на то, что если чоловікъ помириться зъ Богомъ, пожалуйе своѣ грѣхи и высповѣдаеся, та не пуойде въ пекло. А я такъ люблю его слова слухати, такъ красно толкуе... И мене такъ любить, обѣцявъ на Рождество красну книгу, если прилѣжно буду учитися.

Осуженый роздумовався. Добре ему впало, что священникъ похваливъ его сына. Якъ, то е чоловікъ, что не буде кривымъ окомъ дивитися на его сына, сына осуженого на смерть и страченого на шибеницѣ?! Не буде, якъ другѣ люде пальцемъ указовати на него: позирайте, то сынъ убійця, котрого повѣсили. Той священникъ мае быти лѣпшій чоловікъ, якъ другѣ, мае лѣпшее сердце, бо не робить рожницѣ меже хлопцями... И интересовався дальше;

— А чого еще учився въ той школѣ?

Дѣтвакъ, якбы въ школѣ, охотно одповѣдавъ;

— Учився и то, что Богъ небесный простить каждый грѣхъ и не дивитися на тяжесть грѣха, ни на множество, если мы ихъ щиро жалуеме.

А отець уважного слухавъ сына. И пригадавъ собѣ, яка то шкода, что онъ не ходивъ до школы. Бо отець не державъ его строго. Сказавъ: На что ти школа? Изъ мого сына не буде ни попъ ни адвокатъ. Копати, косити и безъ того буде знати, а инше что потребуе? Видь и я не ходивъ до школы, а зато жию и газдую. И генто плачучи прийшовъ изъ школы, бо учитель его покаравъ, что не поклонився старшимъ. Но, та моего сына най не бье никто: Я даю ему ѣсти, та я ему и розказую. А бити его не будутъ въ школѣ: одъ нынѣ не буде ходити до школы! Житя его научить на все потребное.

На жаль такъ и сталося. Дѣтвакъ якъ подросъ, ставъ легкомысленымъ, злымъ. Ходивъ зъ зопсутыми товаришами, пянствовавъ, бився и коли за се отець напоминавъ, поднявъ руку и на отця. На конци концовъ якъ разъ посварилися, взявъ балту и розбивъ голову старому.

Такъ въ собѣ роздумовавъ Петро. И приступивши до жоны лагодно каже:

— Не плачь жоно! Я признаюся, что живъ дуже зле. За моѣ грѣхи туй на земли уже доставъ кару. Але старатися буду, чтобы обойшовъ Божу кару на другомъ свѣтѣ. Высповѣдаюся и помирюся зъ Богомъ.

Мати зъ радости ани слова не могла сказати. Мѣсто неѣ отвѣчавъ хлопецъ.

— Нянку, та хочетеся сповѣдати? Та тогда вы можете навѣтъ

въ царство зайти! Добра сповѣдь е золотымъ ключомъ царства небесного. На се научивъ насъ о. духовный въ школѣ.

Попрацався и пошли за священникомъ, Петро еще разъ звертався до нихъ:

А вы молѣться, чтобы осѣнила мене Боже ласка всѣмоу грѣху щиро пожаловати.

* * *

Коли у короткій часъ прибывъ священникъ до вязницъ, найшовъ тамъ щирого каятника, кто щиро исповѣдався и приготовився на послѣдню дорогу. По одходѣ священника Петро довго плакавъ. Але съ слезы были слезы радости, что зновъ найшовъ покой своѣ души. Подумавъ, что онъ е такой, якій бывъ той розбойникъ, кто въ послѣдней годинѣ свого жита могъ учути милъ слова Спасителя:

„Днесъ съ мною будешъ въ раю“.

Коли другій день понесли его на лобное мѣсто, не бывъ смутный, не чувъ себе рабомъ, але свободнымъ, сердце его наповнилося небесною радостію, бо знавъ, что хотя туземное жита страченое, але позысканое вѣчное и участникомъ стане тоу отчины где не е „ни болѣзнь, ни печаль, ни воздыханіе, но жизнь безконечная“.

ВЪ ОБОРОНѢ ВѢРЫ

Ци была колись женщина папою? Въ IX-омъ и X-омъ столѣтію повага папского престола глубоко подупала. Причиною сего была та обставина, что на выборъ папы мали великій впливъ свѣтскѣ особы и головно князѣ и вельможи Италіѣ. Въ IX омъ столѣтію головно графы тосканскѣ и то женщины: Теодора и еѣ доньки допускалися всякихъ злочиновъ, чтобы выбрати за папу того, кто бы управлявъ Церковію по ихъ дяцѣ. Въ сихъ часахъ, коли впливъ жѣнокъ такой могучый бывъ, могла повстати та выдумка, что на престолѣ римского отця по смерти папы IV-го Льва года 855 за сѣла женщина им. Іоанна и управляла за 2 роки, коли разъ при одномъ церковномъ обходѣ нагло умерла.

Уже на першій поглядъ видно, что се оповѣданя на собѣ носитъ характеръ неимовѣрности. Церковь Христова николи не допустила женщинъ до степеней Церконыхъ, тымъ болше не могла допустити, чтобы женщина была папою.

Исторія сія не находить ся въ лѣтописахъ IX-го и X-го столѣтія; споминаеся лише 1250 года, отже о 400 (!) роковъ позднѣйше. Роздули сю казку потомъ протестанты (кальвины) изъ ненависти противъ каѳол. Церкви.

Въ очередь римскихъ папъ не е мѣста для Іоанны. Папа Левъ умеръ 17-го іюля г. 855; а того самого рока 10-го окт. уже III Ве-



Мукачевскій монастырь ОО. Василянъ

Лежить на прекрасномъ мѣстѣ, на березѣ рѣки: Латориця. Зъ симъ монастыремъ звязана цѣла исторія нашего народа и нашоѣ епархіѣ. Початки сего монастыря сягають ажъ до часовъ Коріятовича, князя русиновъ, кто — якъ преданіе говорить — г. 1360. заложивъ основы монастыря за спасеніе душъ своей и за отпущеніе грѣховъ своихъ. Сей монастырь служивъ резиденціею всѣхъ нашихъ епископовъ одъ г. 1440. до 1751; туй приняли первый разъ св. соединеніе нашѣ предки подъ проводомъ епископа Тарасовича, и изъ сего монастыря вийшовъ рухъ и думка одного стада и пастыря. Если бы не сей монастырь, и монахи Василяне, тогды бы нашъ народъ не мавъ исторіѣ, тогды бы пропавъ вѣ морю чужихъ народовъ... Сей монас. плекавъ національное почутя

русиновъ, сей монастырь бивъ и е осередкомъ религійноѣ культуры Подкарпатскоѣ Руси.

Каждый русинъ зъ почутьемъ благодарности и зъ гордостію въ сердцю мае подивитися на сіе святое мѣсто, гдѣ якъ давно, такъ и теперъ жиють и працюють отцы св. Василя надъ спасеніемъ всѣхъ русиновъ Подк. Р.

И нашъ народъ дѣйстно чуе велику притягаючу силу сего св. мѣста и на день Успенія Пр. Дѣвы Маріѣ тысячѣ и тысячѣ, даколи 20.000 наломниковъ собирають ся изъ всѣхъ сторонъ Подк Руси, чтобы оддати свой поклонъ на семъ св. мѣстѣ Пр. Дѣвѣ Маріи и помолитися:

„Пресвятая Богородице, Заступице Мукачевская, здѣлай чтобы всѣ соединилися въ правдивой вѣрѣ“.

(300 дн. оти.)

недиктъ папа подписуе грамоту для монастыря Corvey. Але III Венедиктъ еще скорше ставъ наслѣдникомъ IV-го Льва! Находиться монета, на котрой III. Венедиктъ вьедно е зображенный зъ I Лотаремъ, французкимъ королемъ, кто 17-го септембра 855 умеръ! И такъ промежуткъ меже IV Львомъ и III Венедиктомъ з'узился на два мѣсяцъ од 17-го юлія до 17-го септ. 855. На основѣ сего всѣ нынѣшнѣ историки (такожъ и протестанты) совершенно одкинули историчну вартость сего оповѣданя и считаютъ пустою видумкою.

Дуже важный аргументъ противъ Іоанны е мовчаня Фотія. Фотій якъ разъ въ сихъ часахъ выступае противъ Церкви каѳолическоѣ и чтобы оправдати сей выступъ, збиравъ всякѣ закиды на римску Церковь, навѣтъ такъ дробницъ, что римо-каѳолики въ постѣ не спѣвають Аллелуя и въ субботу постятъ. Онъ бывъ на только зручный, чтобы дознатися про всякѣ грѣхи въ дворѣ римского престола. А якъ разъ про сей великій скандалъ римского престола не знавъ бы!?

И такъ казка про Іоанну паписсу зостане казкою и лише зловоля або неукость може еѣ выкористати противъ Церкви Христовоѣ.

Яку вѣру исповѣдали св. Кирилъ и Меѳодій? Св. Кирилъ и Меѳодій называются апостолами славянъ и то зато, что они першій разъ проповѣдали Христову вѣру меже славянами и положили основу культуры славянскихъ народовъ. Были они родомъ греки изъ Тессалоники и належали до восточного обряда. Але по вѣрѣ были они каѳоликами и вѣрными сынами апост. римского престола, а не схизматиками. И то зато, бо:

1. въ тыхъ часахъ еще не наставъ роздоръ въ Церкви, т. е. еще не была окремишна схизматицка (православна) вѣра. Цѣльковитый роздоръ Церкви повставъ лише года 1054, одъ которого часу восточнѣ христіяне считали себе независимыми одъ каѳол. Церкви. Але се было о 200 роковъ позднѣше, якъ св. братья жили и дѣйствовали. Твердити отже то, что св. Кирилъ и Меѳодій были схизматиками, то только, якъ сынъ передъ отцемъ.

2. Славянскѣ апостолы относилися къ римскому престолу якъ послушнѣ сыны каѳол. Церкви. Коли нѣмецкѣ священники заскаржили ихъ въ Римѣ про ересь и про уживаня славянского языка, папа Николай I. призвавъ ихъ до Риму на оправданя. Братья повинуючися приказу папы заразы появились въ Римѣ, где были торжественно принятъ и до рукъ римского отца II. Адрияна зложили вѣроисповѣданіе каѳолическоѣ вѣры. Окремъ сего Меѳодій бывъ римскимъ отцемъ рукоположенный на епископа, а его ученики на священниковъ и дѣяконовъ. Такожъ римскій отецъ давъ имъ дозволеніе въ богослуженяхъ уживати славянского языка. Св. Кирилъ въ Римѣ вступивъ въ монастырь и года 879 умеръ въ Римѣ.

3. Св. Меѳодій еще два разы появився въ Римѣ. Въ своей другой подорожи выходитъ у папы римского для славянъ окремишню и одъ нѣмцовъ независиму епархію и для себе выименованя

на архієпископа Моравіѣ и Паноніѣ. Въ третьей же подорожи окончательно оправдался передъ римскимъ папою (VIII Іоаннъ) заявляючи, что онъ такъ вѣруе, якъ св. римска Церковь, согласно зъ св. Письмомъ и св. Преданіемъ. На се римскій папа написавъ письмо королю Святополку, въ котромъ повѣдомляе его, что Меѳодій е въ всемъ правовѣрный а король и народъ мають его принять якъ своего законного пастыря.

4. Коли св. Меѳодій умеръ г. 885, погребъ его одправлений бывъ на трехъ языкахъ: на латинскомъ, на знакъ того что Меѳодій бывъ вѣрнымъ сыномъ каѳол. Церкви; на грецкомъ, бо онъ бывъ родомъ грекъ; на славянскомъ, якій языкъ онъ запровадивъ до церковного уживаня. У 1000 роковъ по смерти св. Меѳодія папа римскій XIII Левъ, чтобы доказати свою любовь къ славянскимъ народамъ приказавъ на цѣломъ свѣтѣ праздновати 5-го юлія память славянскихъ апостоловъ.

И сякъ явно, что св. братья были не схизматиками, але гр. каѳоликами, отже по обряду греки, а по вѣроисповѣданію каѳолики. Они одпосилися все и въ всемъ зъ сыновною любовью и послушенствомъ къ римскому ап. престолу и приняли изъ его рукъ посвященіе и виименованя, чимъ дали доказъ тоѣ вѣры, что римскій отецъ е головою Церкви. Они своимъ поведеніемъ разомъ доказали и то, что правдивымъ православнымъ быти не только значить, якъ жити въ роздорѣ зъ римскимъ ап. престоломъ и наповнитися ненавистію супротивъ наслѣдниковъ св. Петра.

Епископъ Петръ на отпустѣ въ Бѣлкахъ.

На цѣлой близшой и ширшой околицѣ извѣстный есть по своей великости и торжественности ежерочный Петро—Павловскій Бѣлецкій отпустъ. Изъ отдаленныхъ частей Мараморыша, Угочи, Берега и Ужа приходятъ сюда набожнѣ вѣрники, чтобы участвовати въ благодатяхъ папского отпуста, дозволеного Бѣлкамъ уже одъ давныхъ часовъ. Въ семь работномъ часѣ въ цѣломъ Подкарпатскомъ краю старанно працюють русины по своимъ лукамъ, лѣсамъ и полямъ, а жаждущіѣ душѣ найдуть собѣ способъ перестати на часъ о тѣлесной работѣ и жертвовати дачто душамъ своимъ. И сего года 7-8000 душъ присуствовало на Бѣлицькомъ отпустѣ и сіе значительное число участниковъ есть певнымъ знакомъ того, что изъ русина неможно жадною агитаціею выкоренити релгіозный духъ.

Преосв. Епископъ Петръ дуже любить Бѣлецкихъ и околичныхъ вѣрниковъ, ибо теперъ уже 4-разъ (якъ епископъ два разъ) отличивъ ихъ своимъ высокимъ нащивленіемъ. А народъ благодарный за ласку Отца епископа, дѣтинскимъ довѣріемъ предлагае Ему своѣ журы и жалобы, спѣшитъ одушевленно къ Архіерею на сповѣдь, щирымъ вниманіемъ слухае проповѣдь изъ усть его, старики и старушки, молодѣ и дѣти, наслаждаются въ праздничной торжественной архіерейской службѣ и прочихъ обрядовъ.

Свято тимъ интересантнѣйшее, ибо Архіерей тезоименіе празднуе. Въ цѣлой епархіи, но особливо тутъ на мѣстѣ присутвія, въ великомъ Бѣлецкомъ храмѣ теплѣ молитвы поднимаются изъ устъ священниковъ и народовъ къ крѣпкимъ стопамъ Церкви Петру и Павлу о ходатайствѣ, чтобы хранивъ сильный Богъ прилюдного и забытливо-го Епископа Петра для блага епархіи на многая и благая лѣта. Идутъ телеграммы и привѣтствующіе дописы въ великомъ числѣ, доказующи, что по всюду думаютъ на Епископа.

Преосвященный рушился изъ Ужгороду 11-го юлія рано въ супроводѣ секретаря Мсгр. Стойки, миссіонаря. о. Решетила и редактора о. Ильницкого. Въ 11 годинѣ прибывъ до Иршваы, гдѣ совершивъ коротку адорацію въ прекрасной реставрованной и новомальованой церкви. Группа вѣрниковъ на чолѣ зъ молодымъ трудолюбивымъ о. Камповомъ подѣ святочною брамою принимали Владыку, котрый зъ признаніемъ смотривъ въ церкви и на фарѣ панующій красный порядокъ. О год. $\frac{1}{2}$ 2. пополудню уже могуча Бѣлицка бандерія веде Отца Епископа подѣ красными брамами въ церкви, гдѣ послѣ адораціѣ намѣстникъ парохъ о. Хома привѣтствуетъ Его отъ имени вѣрниковъ и духовенства.

Послѣ обѣда скоро почнеся душевна работа. Епископъ и духовенство сповѣдають, о. Решетило проповѣдуе отъ него обычнымъ темпераментомъ и успѣхомъ. На самый праздникъ приключатся къ празднующимъ, вѣрники сусѣдныхъ сель. Отбываеся черезъ цѣлое дополудне причащеніе. Проповѣдуютъ по 2 разъ: о. Решетило и о. Ильницкій. На архіерейской службѣ Божой тиснено повна церковъ и цѣлый цынтарь. По службѣ въ красномъ порядку трикратный обходъ зъ многолѣствіями на конци зъ папскимъ гимномъ. Яка шкода, что мы и давно не спѣвали зъ народомъ нашимъ, сей милозвучный и прекрасный гимнъ, котрый такъ близъ поставляе насъ къ подножію Христова намѣстника.

По всѣмъ обрядамъ слѣдовавъ обѣдъ праздничный зъ 80 гостями. Подѣ обѣдомъ собирае о. Хома, якъ щирый гоститель отъ притомныхъ понадъ 200-кч. на. Ц. К. Обороны Вѣры.

Сыновска отданность Отцу Епископу, хвала о. Хомови намѣст. пароху и признаніе всѣмъ, котрѣ здѣлали Бѣлецкій Петро — Павловскій отпусты сего года незабываемымъ и въ душевныхъ зъ 2500 причастниками и Богу приятнымъ.

НОВОСТИ

Апостольска нунціатура и Подк. Русь. Въ дняхъ 21 - 29 юнія загостивъ на Подк. Русь представникъ апос. нунція изъ Праги Др. Ксаверій Ріттеръ. Хотя ся нащива была приватного характера, но всетаки е доказомъ, что ап. нунціатура зъ приходомъ нового преставника апос. престола въ особѣ ексцел. Петра Чиріячіго въ особлившій способъ интересуеся нами и нашими спеціалными обставинами. Якъ разъ теперъ мала апост. Нунціатура возмож-

ность непосредственно, хотя и неофициально познати нашѣ бѣды и потребности. Мсгре Риттер мавъ нагоду за часъ свого короткого побуту майже все посмотрѣти могъ собѣ вытворити вѣрное понятіе о нашомъ положеніи. Самъ онъ чоловѣкъ надзвычайно симпатичный, глубоко ученый, широкоѣ душѣ, благородного седрця.

Доразъ въ пятницу въ день Пресв. Сердца Іисуса нащививъ Преосв. Петра епископа и нашѣ церк. заведенія въ Ужгородѣ. Потомъ поѣхавъ до Монастыря Мукачевского, где стало перебивавъ, якъ гость о.о. Василянъ. Въ субботу (23/V) выбрався Мсгре Риттеръ на Мараморошину, чтобы попозирати зъ близька теренови завзятыхъ религійныхъ борьбъ и насилій схизматиковъ за послѣднѣ лѣта. Въ Мараморыши передовсѣмъ пошовъ до Дубового, где бывъ гостемъ о. намѣстника Θεодора Косея и участь бравъ въ богослуженяхъ въ недѣлю; потомъ нащививъ села: Тересва, Бедевя, Нягово, Вульховцѣ, Краснишора и пр. Всягды надзвычайно любилося Мсгрови чистота и порядокъ по нашихъ церквахъ.

Въ недѣлю (25/VI) выбрався до Хуста, зводки робивъ экскурціѣ по долинахъ мараморышскихъ. Пошовъ на села; Воловое, Майданъ, Торуна и до Горѣнчова, где передъ двома тыжднями передали схизматики церковь. Мсгре Риттеръ могъ видѣти якъ выглядятъ храмы Божѣ въ схизматицкихъ рукахъ; непорядокъ, смѣтя, безладъ всягды въ тыхъ церквахъ котрѣ упали въ руки схизматиковъ! Въ второкъ прибывъ Мсгре Риттер до Ястѣня, до гостипріемноѣ хижѣ о. Юрія Васка и нащививъ парохію о. нам. Ст. Бачинского. Водтамъ вернувся до Хуста, нащививъ, Бочковъ и Тячовъ.

Дня 27-го юнія пойшовъ въ село: Довгое, Керецькѣ, Вѣлки, Имстичево, Зарѣчово и Кумята; а вечеромъ вернувся въ монастырь Мункачевскій, чтобы мало отпочити по трудахъ. Въ пятницу 29/VI вернувъ до Праги а водтамъ въ короткій часъ до Риму. По всѣхъ подорожахъ товаришемъ ему бывъ о. Ст. Решетило ЧСВВ.

Мсгре Риттеръ мавъ нагоду по Подк. Руси вѣдѣти схизму и познати еѣ причины. Онъ певно поинформуе и дотычнѣ круги, якѣ не будутъ поздити зъ помочію въ борьбѣ противъ ложи и терору. Его особа глубоко запишеса въ сердцяхъ всѣхъ тыхъ, которѣ мали щастя его въ часѣ сеѣ подорожи упознати. Въ его особѣ достала и Подк. Русь не лише щирого пріятеля, але въ случаю потребности и ревного заступника.

Св. Мисія въ Сачуровѣ (одъ 5 до 12го юнія) была подержана подъ веденіемъ отцовъ чина Редемптористовъ.

Народъ одсвѣжився душевно, старѣ грѣшники повернули до Бога, подъ солодкимъ сердце потрясающимъ милымъ зазывомъ Іисуса Христа. Церковь была все быткомъ повна. Мисія докочилася торжественно, при участии сусѣдныхъ священниковъ и многочисленого народа.

Николи забудеса присяга всѣхъ насъ до *вѣры святой*, котру голосить животворящій крестъ непрестно и котру интоновавъ миссіонарь. о. Кириль! Стараніе о спасеніе душъ повѣренныхъ, хвалить тамошного пароха о. Августина Гегедуша. На многая лѣта!!!

Св. Миссія въ Банскомъ (од 1 до 8 юлія.) Видѣвши потребу душевну, отбылася св. *Миссія* такъ само въ *Банскомъ* отъ дня 1/VII - до 8/VII. на граници епархіѣ нашей, подъ веденіемъ ОО. Мѣссіонаровъ Редемптористовъ, котрыхъ народъ еще изъ Сачурова полюбивъ и дуже бывъ прихильнымъ до нихъ; бо горнулися почути пріемнѣ слова чина-Спаса Избавителя. Незабуднѣ ихъ слова, „овечко моя, овечко моя чомъ утѣкашь отъ мене“ глубоко зарылися у глубинѣ душъ; такъ само импозантне преукрашенія Божого Престола, на праздникъ першоѣ пятницѣ мѣсяця и *иконы Божой Матери*, научованіе пѣснѣ и обряда Матери Божой, и свѣдома, всесторонна миссійна праця ревныхъ миссіонаровъ. 8 дневна миссія откончилася триумфальнымъ походомъ зъ церкви, на приходскій дворъ зъ миссійнымъ и преукрашеннымъ св. крестомъ, что по благословенію, 8 паробковъ несли на калварію на плечахъ при спѣву церковномъ и звуку дзвоновъ. По обходѣ трикратномъ поставили на свое мѣсто.

Предвѣчный пастырю дай обилного плода зъ посѣянного Твоего зерна! Просвѣти нашъ народъ рускій, покрѣпи сердца его до Твоей каѳолической вѣры, Тобою объявленной правды, и будь ему милосердный за его грѣхи и невѣжества!

Евхаристичный Іисусе, Маріе Мати Божа, св. небесный патріарху св. Іосифе и небеснѣ патроны, забудьте о насъ всѣхъ, о рускомъ народѣ, а первѣе о чину Спаса Избавителя на славу нераздѣльной Тройцѣ.

Конкурзъ епархіальный сего року подержаный бывъ 4-го и 5-го юлія. На конкурзѣ явилися 22 кандидаты, котрыхъ всѣхъ приняли въ семинарію. Изъ сихъ одного заженуть до Риму, двоухъ до Штрасебургу и чотырохъ до Праги. Хвала Богу, что число конкурентовъ зъ рока на рокъ росте и сего року досяглись передвоенне число.

Преосвященный Владыка на пару тыждневый отпочинокъ пошовъ до Собранець, где перебивати буде до середины августа. Викаріемъ генеральнымъ подъ симъ часомъ именованый п. прелать др. Юрій Шуба.

Пересторога! Схиматики на многихъ мѣстахъ при дорозѣ поставили своѣ кресты; (одно рамено скосое.) Напоминаеме нашихъ вѣрниковъ, чтобы идучи на отпусты передъ такими крестами не кланялися, не молили-

ся и не давали милостыню на схизматицкѣ церкви. Бо се былобы одобреніе ереси и подпомога для одступниковъ. Просиме сіе возваніе розширять и о.о. духовники най зволятъ выголосити въ церквахъ!

Новый докторъ богословія. Въ Римѣ концемъ сего школьного рока одержавъ докторатъ Василь Ернестъ Дунда, богословъ нашоѣ епархіѣ. Новому доктору благожелаеме.

Упокоилася. П. Маргарета Феделешова, супруга о. К. Феделеша проф. рел. въ Береговѣ 28-го юнія умерла. Бл. п. и в.п.

Посвященіе каплицѣ отбылося 15-го юлія въ Севлющѣ, на маетку посла Волошина. На посвященію было больше гостей, меже ними епископы: Мукачевскій и Пряшевскій.

Выдавництво Чина св. Василя Великого въ Ужгородѣ

поруѣае слѣдуючѣ книжки:

Полный Трѣбникъ (печатаный въ Жовквѣ). Обнимаеъ 899 стор.

Находятся въ немъ все четыре части: I. Таинства, II. Освященія, III. Благословенія, IV. Моленія на всяку потребу. Двойный друкъ: чорный и червеный. Форматъ дуже догодный. Ясный переглядъ, буквы читкѣ, выразиѣ. **Оправленный въ полотно 130 Кч, въ кожу 150 Кч, почтовое (поруч.) 5 Кч.**

Слѣжка прѣздникѣ Сладчайшаго Г. нашего Исуса Христа-Царѣ стор. 16. Брошурована стоить 5 Кч, съ почтовою засылкою 5 Кч 60 г.

Слѣжка Свѣщеннѣйшемѣ Сердцѣ Исусовѣ сторонѣ 20.

Брошурована стоить 13 Кч, съ почтовою засылкою 13 Кч 60 г.

Оутрена и Кечерна ч. I. Содержаніе: Служба всехъ прѣздниковѣ подвижныхъ; Служба Октоиха въ недѣлю; Служба обща Святымѣ; Евангелія воскресни и Стихиры Евангельски; Пѣснь умильтельна; Пасхалія и Мѣсяцословѣ. — Книжка переплетена въ полотно.

Стоить 50 Кч, въ лѣпшой оправѣ 60 Кч, зѣ почтою 64 Кч.

Оутрена и Кечерна ч. II. Содержаніе: Служба всехъ прѣздниковѣ неподвижныхъ съ Пред- и Попрѣзденствами въ недѣлю; Служба Октоиха въ недѣлю; Евангелія воскр., и Стихиры Еванг. Пѣснь умильтельна; Пасхалія и Мѣсяцословѣ. Книжка переплетена въ полотно.

Стоить 60 Кч, въ лѣпшой оправѣ 70 Кч, зѣ почтою 74 Кч.

Чинѣ Тайны Крещенія и Миропомѣзанія. Цѣна 5, зѣ почт. 5·60 Кч.

Чинѣ Тайны Свѣрѣжества. Стоить 5 Кч, въ почт. засыл. 5·60 Кч.

Чинѣ Тайны Слѣпомѣзанія. Стоить 5 Кч, зѣ почтою 5·40 Кч.

Чинѣ Парастѣса и погребенія мирскихъ человекѣ. Ц. 10 зѣп. 10·80 Кч.

„Часословѣ“ (Ерейскій молитвословѣ) перепл. въ полотно 50 Кч, перепл. въ кожу съ золоч. обрѣзомѣ 80 Кч, почтовое (поруч.) 5 Кч.

Псалтирѣ (безъ величаній). Ст. 296. въ полотн. оправѣ. Ц. 22, зѣ почт. 23 Кч.

„Акадѣстникѣ“. Стоить 27 Кч, зѣ почтою Кч. 28·30.

У Стѣп Учителя мѣститѣ 204 читанѣ для священниковѣ, стор. 380.

Стоить 20 Кч, съ почтовою засылкою 21 Кч 20 г.

Кровава Незабудька або Хресна дорога Спасителя мѣститѣ читаня и молитвы о Страстяхъ Христовыхъ. Стоить 6·50 Кч, зѣ почтою 7·30 Кч.

Церковні Пѣсни (зѣ нотами), мѣститѣ 301 пѣсень. Ц. 22 зѣ почт. 23·20 Кч.

Катехизм Шшираго ч. I, II. и III. Въ I. части широко выложена наука св. каѣ. прѣри, въ II. говориться про науку обычаевѣ, а въ III. выложена наука про Средства ласки. Книжки брошурованѣ, кожда окремо. Цѣна ихъ така:

Ч. I. и II. стоить по 25 Кч, съ почт. по 28 Кч. Ч. III. 22 Кч, съ почт. 24·50 Кч.

Хвалите Господа. Молитвеничокѣ для интеллигенциѣ, печатаный фонетикою на 2 фарбы, маленького формату 6×10. Цѣна 13, зѣ почт. 13·50 Кч.

Коляди (зѣ нотами). Содержитѣ 80 колядь. Цѣна 14, зѣ почт. 14·80 Кч.

Коляди (безъ нотѣ). Содержитѣ 52 колядь. Цѣна 3·60, зѣ почт. 4 Кч.


Через мечѣ до житя. Повѣсть. Цѣна 15.— Кч, зѣ почтою 16·20 Кч.

Проповѣди на Великій пост. Цѣна 6.— Кч, зѣ почтою 6·50 Кч.

Библия Старого Завѣта ч. I. и II. (двѣ книжки). Цѣна одноѣ книжки 20 Кч, зѣ почтою 23 Кч.

Божественный Спаситель. Нарисѣ житя Исуса Христа въ народ. мовѣ. Цѣна 25 Кч, зѣ почтою 28 Кч.

Житя св. свѣцмч. Юсафата архіеп. Полодкого. (309 сторонѣ) Стоить 10.— Кч, зѣ почтовою засылкою 10·80 Кч.

Брошурка „У стѣп. Учителя“ и все инше, оддѣлектѣ одѣ боюслужебныхъ книгѣ линейкою, печатанѣ въ галицкомѣ языкѣ (фонетикою). 

Выдавництво Чина св. Василя Великого в Ужгороді

поручає слѣдуючѣ книжки своего изданія:

„Слово про св. Церковь Христову“. Брошурка, сторонъ 20.

Содержаніе: 1. Колько есть Церквей Христовыхъ, 2. Котра есть правдива Христова Церковь? 3. Почему упознати, ци належить дакто до правдивоѣ Церкви Христовоѣ. — Опроверженіе закидовъ противниковъ.

Цѣна одного примѣрника 1 Кч вже зъ почтою.

Роздумай то добре. На руській языкъ переклавъ о. В. Желтвай. Изданіе I. Содержить науки о цѣли человекъ, о грѣсѣ, о смерти, о судѣ, о пеклѣ, о чистилищи, о небѣ и о сповѣди. Стор. 160.

Брошурована стоить 5 Кч, съ почтовою засылкою 5 Кч 60 гел.

Образцѣ (печатанѣ одною краскою): Пресв. Сердце Іисуса, Іисусъ добрый Пастырь, Положеніе до гробу Іисуса Христа, Іисусъ несе крестъ, Распятіе І. Хр., Тайна Вечера, Матерь Божая Непорочно зачата, св. Ангель Хоронитель, св. Іосифъ, св. Василій, св. Іосафатъ, св. Кирилъ и Меѳодій, св. Анна, св. Агнета, св. Іоаннъ на персехъ Іисуса Христа. (Образцѣ безъ молитовъ на оборотѣ). 100 дарабовъ стоить 6 Кч, съ почтою 6.50 Кч.

Оумолѣніе кз Пресвѣтѣй Евхаристіи (супликація съ нотами).

Стоить 50 гел., зъ почтовою засылкою 70 гел.

Образецъ Матери Божоѣ Мукачевскоѣ съ пѣснею на оборотѣ.

Цѣна одного примѣрника 40 гел.

Отпустовѣ молитвы. Сесея книжочка содержитъ: Короткое поученіе о отпустахъ и дасколько молитовъ надѣленныхъ отпустами.

Стор. 16. — Цѣна 50 гел., а съ почтовою засылкою 70 гел.

Крестна дорога. 14. корот. розважанъ о страстяхъ Христовыхъ. Цѣна 1. Кч. зъ поч. 1.20. Кч.

Рожанецъ до св. Ранъ або до милосердія Іисуса Христа. Цѣн. 40 зъ поч. 60 г.

Противалькоголичнѣ брошурки: 1. „Пяницямъ на закуску“, 2. „Погарчикъ для тверезыхъ“, 3. „На здоровля“. Цѣна 3 брошуръ 1.20 Кч, зъ почт. 1.60 Кч.

„Грицѣ Заливайко“. Ся книжечка написана стихомъ и описуе животъ пяницѣ одъ рождества ажъ до смерти. Книжочка прикрашена 19 образками нашего славного подкарпатурського маляря проф. О. Бокшая. Стоить зъ почтою Кч. 1.40.

Маеме такожъ на складѣ Книги до записуванія интенцій Службъ Божихъ. (200 стор. оправленныхъ) по 25 Кч за примѣрникъ зъ почтою 28 Кч.

Засылаеся лемъ за готовѣ грошѣ або за послѣплатою (dobírka)

Листы и грошѣ треба засылати на адресу:

Выдавництво Чина св. Василя Великого, Ужгородъ,

Раковци улица число 54.

Листы изъ заграницы треба адресовати такъ:

Vydavništvo Čyna sv. Vasilija Velikoho, Užhorod,

Rakociho ulica č. 54. Podkarp. Rus. ČSR. — Evropa.